

Član 7.

(Odgovornost)

Općina Stari Grad Sarajevo ne snosi odgovornost u slučaju otuđenja motornog vozila ili nastanka štete na istim, a što će biti utvrđeno ugovorom sa JKP "Općine Stari Grad" d.o.o.

IV - PRELAZNE I ZAVRŠNE ODREDBE

Član 8.

(Mišljenje Pravobranilaštva Općine Stari Grad Sarajevo)

Pravobranilaštvo Općine Stari Grad Sarajevo je dalo mišljenje broj M-58/25 od 06.05.2025. godine na tekst ove Odluke.

Član 9.

(Stupanje na snagu Odluke)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Predsjedavajući
Općinskog vijeća
Stari Grad Sarajevo
Seid Škaljić, s. r.

Broj 02-45-405/25
Maja 2025. godine
Sarajevo

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i 26. Statuta Općine Stari Grad Sarajevo ("Službene novine Kantona Sarajevo", broj 20/24), na 7. redovnoj sjednici održanoj dana 29.05.2025. godine, Općinsko vijeće Stari Grad Sarajevo, donosi

ODLUKU

O USLOVIMA I POSTUPKU KORIŠTENJA SALA U
ADMINISTRATIVNOM SJEDIŠTU OPĆINE STARI
GRAD SARAJEVO

I - OPĆE ODREDBE

Član 1.

(Predmet Odluke)

Ovom Odlukom utvrđuju se uslovi i postupak dodjele na korištenje sala u administrativnom sjedištu Općine Stari Grad Sarajevo.

Član 2.

(Sale u administrativnom sjedištu Općine Stari Grad Sarajevo)

Sale u administrativnom sjedištu Općine Stari Grad Sarajevo su:

- Sala 1 - primarno se koristi za organizaciju sjednica Općinskog vijeća i potreba rada Općinskog vijeća Stari Grad Sarajevo;
- Sala 2 - primarno se koristi za potrebe organizacije vjenčanja i rada Općinske izborne komisije;
- Sala 3 - primarno se koristi za sastanke službi za upravu i stručnih službi Općine Stari Grad Sarajevo.

Član 3.

(Sadržaji za koje se mogu dodjeliti na korištenje sale u administrativnom sjedištu Općine Stari Grad Sarajevo)

Iznimno od odredaba člana 2. ove Odluke, Sala 1, Sala 2 i Sala 3, se može koristiti i u druge svrhe, i to za:

- kulturno-umjetničke sadržaje;
- odgojno-obrazovne sadržaje;
- sportsko-rekreativne sadržaje;
- promotivne sadržaje;
- i druge sadržaje koji se поближе uređuju Pravilnikom koji donosi Općinski načelnik shodno odredbama ove Odluke, uz obavezu poštivanja svih relevantnih

zakonskih i podzakonskih akata kojima se uređuje pitanje korištenja i raspolaganja imovinom jedinica lokalne samouprave.

II - POSTUPAK DODJELE NA KORIŠTENJE SALA U
ADMINISTRATIVNOM SJEDIŠTU OPĆINE STARI
GRAD SARAJEVO

Član 4.

(Korisnici)

Pravo na podnošenje zahtjeva za korištenje sala iz člana 2. ove Odluke imaju:

- udruženja građana;
- nevladine organizacije;
- fondacije;
- neformalne grupe građana;
- političke partije;
- agencije;
- javne ustanove;
- privredna društva;
- druga pravna i fizička lica.

Član 5.

(Naknada)

Naknadu za korištenje sala iz člana 2. ove Odluke utvrđuje Općinski načelnik Pravilnikom, koji donosi shodno doredbama ove Odluke, kao i iznimne slučajeve korištenja istih bez naknade.

Član 6.

(Zahtjev)

- (1) Zahtjev za korištenje sala iz člana 2. ove Odluke podnosi se Stručnoj službi za zajedničke poslove putem Službe za opću upravu, najmanje 5 (pet) dana prije datuma kada je zakup sale potreban, uz obavezno navođenje perioda korištenja sale, koji ne može biti duži od 3 (tri) dana.
- (2) Uz zahtjev iz stava (1) ovog člana obavezno se podnosi sljedeća dokumentacija:
 - odobrenje za obavljanje određene djelatnosti za fizička lica i uvjerenje o kontinuiranom obavljanju djelatnosti;
 - rješenje o upisu subjekta u sudski ili drugi odgovarajući registar (za pravna lica);
 - uvjerenje o poreznoj registraciji;
 - detaljan opis svrhe u koju će se sala koristiti.

Član 7.

(Rješenje o dodjeli na korištenje sale)

- (1) Ukoliko su ispunjeni uslovi propisani ovom Odlukom, Općinski načelnik putem nadležne Stručne službe za zajedničke poslove donosi Rješenje o odobravanju korištenja sale uz naknadu ili bez naknade.
- (2) Po osnovu rješenja iz stava (1) ovog člana, te izvršene uplate, zaključuje se ugovor između Općine Stari Grad Sarajevo i korisnika sale, kojim se uređuju međusobni odnosi.
- (3) Ugovor iz stava (2) ovog člana se zaključuje na period tražen zahtjevom, pod uvjetom da se ni na koji način ne remeti redovan rad i funkcionisanje službi za upravu i stručnih službi Općine Stari Grad Sarajevo.

Član 8.

(Način plaćanja naknade)

- (1) Zakupac je obavezan izvršiti isplatu naknade u roku od 24 sata od trenutka preuzimanja rješenja.

- (2) Ako korisnik dospjelu naknadu ne plati u propisanom roku, naplata će se izvršiti prinudnim putem, u skladu sa važećim pozitivnim propisima, a postojeće Rješenje se stavlja van snage.
- (3) Naknada za korištenje sala iz člana 2. ove Odluke utvrđena posebnim rješenjem, obračunava se u bruto iznosu, koji uključuje neto iznos sa obračunatim iznosom PDV-a.
- (4) Prikupljena naknada u cijelosti pripada Općini Stari Grad Sarajevo.

III - OBAVEZE STRUČNE SLUŽBE ZA ZAJEDNIČKE POSLOVE

Član 9.

(Održavanje sala)

- (1) Održavanje sala iz člana 2. ove Odluke je u nadležnosti Stručne službe za zajedničke poslove.
- (2) Ukoliko je sala iz člana 2. ove Odluke iznajmljena ili data na korištenje bez naknade, obavezno je prisustvo državnih službenika ili namještenika Stručne službe za zajedničke poslove u svrhu poštivanja odredaba ove Odluke.

Član 10.

(Naknada štete)

Obaveza naknade za sva oštećenja koja nastanu u salama prilikom korištenja istih padaju na teret korisnika.

IV - PRELAZNE I ZAVRŠNE ODREDBE

Član 11.

(Donošenje Pravilnika)

Shodno odredbama ove Odluke Općinski načelnik je obavezan u roku od 60 (šezdeset) dana od dana stupanja na snagu ove Odluke donijeti Pravilnik, kojim će biti utvrđene cijene zakupa, uslovi za korištenja sala bez naknade i druga pitanja koja nisu uređena ovom Odlukom.

Član 12.

(Stupanje na snagu Odluke)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-411/25
Maja 2025. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06, 51/09), člana 17. stav 2. Odluke o prodaji poslovnih prostora ("Službene novine Kantona Sarajevo", broj 50/15, 28/19) i 26. Statuta Općine Stari Grad Sarajevo ("Službene novine Kantona Sarajevo", broj 20/24), na 7. redovnoj sjednici održanoj dana 29.05.2025. godine, Općinsko vijeće Stari Grad Sarajevo donosi

ODLUKU

O IZMJENI I DOPUNI ODLUKE O KORIŠTENJU SREDSTAVA OSTVARENIH PRODAJOM POSLOVNIH PROSTORA

Član 1.

Mijenja se član 2. Odluke Općinskog vijeća Stari Grad Sarajevo o korištenju sredstava ostvarenih prodajom poslovnih prostora broj 02-45-296/24 od marta 2024. godine, na način da glasi:

"Sredstva iz člana 1. ove Odluke u ukupnom iznosu od 355.000 KM (slovima: tri stotine pedeset pet hiljada konvertibilnih maraka), koriste se za realizaciju investicionih projekata Općine, i to:

- 104.989,90 KM za nabavu i izgradnju fotonaponske elektrane na krovu objekta administrativnog sjedišta Općine Stari Grad Sarajevo;
- 37.483,00 KM za radove sanacije toaleta u OŠ "Hamdije Kreševljakovića";
- 12.527,10 KM za radove sanacije krova u OŠ "Šejh ef. Hadžijamaković";
- 200.000,00 KM za radove rekonstrukcije i sanacije stanova kojima raspolaže Općina Stari Grad Sarajevo za potrebe boračke populacije."

Član 2.

Član 3. se mijenja na način da glasi: "Sredstva iz člana 2. ove Odluke bit će iskazana u Budžetu Općine Stari Grad Sarajevo za 2025. godinu na poziciji 615400 "Projekti sanacije sportskih igrališta OŠ "Hamdija Kreševljaković" i OŠ "Edhem Mulabdić", toaleta OŠ Hamdije Kreševljakovića i krova OŠ "Šejh ef. Hadžijamaković", 613727-5- tekuće održavanje općinskih stanova i na poziciji 821360-nabavka fotonaponske elektrane-solarni paneli na krovu Općine."

Član 3.

Ova Odluka čini sastavni dio Budžeta Općine Stari Grad Sarajevo za 2025. godinu.

Član 4.

Ova Odluka stupa na snagu danom donošenja i naknadno će biti objavljena u "Službenim novinama Kantona Sarajevo."

Broj 02-45-413/25
Maja 2025. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06, 51/09), člana 17. stav 2. Odluke o prodaji poslovnih prostora ("Službene novine Kantona Sarajevo", broj 50/15, 28/19) i 26. Statuta Općine Stari Grad Sarajevo ("Službene novine Kantona Sarajevo", broj 20/24), na 7. redovnoj sjednici održanoj dana 29.05.2025. godine, Općinsko vijeće Stari Grad Sarajevo, donosi

ODLUKU

O KORIŠTENJU SREDSTAVA OSTVARENIH PRODAJOM POSLOVNIH PROSTORA

Član 1.

Ovom Odlukom odobrava se korištenje dijela sredstava ostvarenih prodajom poslovnih prostora evidentiranih na posebnom namjenskom računu, koji se nalazi u sklopu JRT (Jedinstvenog računa Trezora) Općine Stari Grad Sarajevo.

Član 2.

Sredstva iz člana 1. ove Odluke u ukupnom iznosu od 250.000 KM (slovima: dvije stotine pedeset hiljada konvertibilnih maraka), koriste se za realizaciju investicionih projekata Općine, i to:

- 140.000 (slovima: stotinu četrdeset hiljada konvertibilnih maraka) za sanaciju igrališta OŠ "Hamdije Kreševljakovića", obzirom da radovi sanacije igrališta predstavljaju zaštitu potreba učenika, ali i sigurnost istih.